

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 4. Incidens: num igitur deflorans virginem spe matrimonii fictè
promissi teneatur eam ducere.

[urn:nbn:de:hbz:466:1-73973](#)

concedatur, seu liceat affirmare extrinsecus aliquam propositionem, quin obligetur ad veritatem dicendam, bene quidem infertur, ia nullius quoque potestate (hoc est, morali seu licite exercenda) esse, verbis exterius promittere, & nolle se ex fidelitate obligare ad explenda promissa; nil tamen obstat, quo minus possit utrumque absoluere, seu potentia physica illicite & mentiendo, ut facit ficte promittens.

Quæst. 4. Incidens: num igitur deflorans virginem spe matrimonii ficte promissi teneatur eam ducere.

1. *R Esp.* Primo: Dum probabilitate ac prudenter presumi potest (uti id ex solo excessu divitiatum ac nobilitatis non semper, nisi adiunctorum alia in contrarium conjectura, presumi potest, dum multi viri nobiles ac divites feminis, etiam insimile nota, vel ob formam praestantiam, vel etiam excusat libidine matrimonio copulari cupiunt. *Castrop. l. c. num. 3.* *Ponc. L. 12. de sponsal. c. 2. num. 15.*) virginem advertisse deceptiorem, aut etiam, ubi ipsa ex circumstantiis facile scire, vel merito credere poterat, adeoque debebat, neque ex fidelitate, quia nulla fuit promissio aut deceptio; neque ex justitia; quia sic volenti facta non est injurya, tenetur eam ducere, aut quicquam praestare in recompensationem deflorationis. *Castrop. l. c. Ponc. num. 16.* *Sanch. l. c. d. 10. n. 5.* Ubi vero virgo deceptionem non advertit, tenetur talis deceptor ad satisfaciendum illi pro damno illato, nimis vel prætendo dotem tantam, ut æquè bene nubere posse, ac si deflorata non esset, vel, si nec hac, nec aliâ viâ damnum illud reparare potest, quam ducendo illam, tenetur eam ducere. *Laym. Castrop. Con. d. 22. du. 6. concl. 3.*

2. *R Esp.* Secundo: Quin etiam, licet damnum illud alio modo compensari posset, adhuc virginem deflorata sic volente, teneri deceptorem eam ducere; eo quod copulam non nisi sub conditione matrimonii contrahendi sibi concessam acceptavit; quemadmodum quis obligatus est tradere domum, sub cuius tradenda conditione pretium accepit & consumpsit; docent, ut ait *Castrop. num. 3.* cum communi. *Sanch. l. c. num. 3.* *Ponc. L. 12. c. 2.* *Leff. l. 2. c. 15. du. 3.* *Rodrig. Tom. 2 sum. c. 108. concl. 8.* *Molin. tr. 3. d. 106. num. 4.* *Vasq. &c.* ait quoque *Castrop.* ab hac obligatione non liberari deceptorem ex eo, quod puella ignorante intenderit, vel etiam protestatus fuerit, se promittere matrimonium ficte sine animo eam ducendi solam ad eam inducendam & decipiendam; eo quod acceptando copulam tanquam premium obligationis ducendi illam elegerit potestatem illam, aut etiam voluntatem suam non contrahendi cum illa. Sed & dato, illum non habuisse vere internam illam copulam sub ista conditione; sed tantum acceptasse illam simulando consensum in illam conditionem, quin & positivè in animo excludendo illam, adhuc peccavit contra iustitiam, vel hoc ipso non habendo consensum illum in matrimonium, dum altera pars consensit in illud, & tradidit corpus suum ad usum; adeoque jam tenebitur ex iustitia determinatè ad matrimonium; cum enim iustitia commutativa non contentetur redditione rei aequalis, sed exigit, ut idem omnino, quod debetur, reddatur v.g. equus ablatus, dum is adhuc exstat, & reddi po-

tent, & non sufficiat loco equi reddere pretium; tenebitur talis deceptor præbere ex post eundem illum consensum suum in matrimonium, quem iustitiae prius subtraxerat, & non satisfaciat loco istius exhibendo quid aliud. Addit etiam ex *Sanch. L. 1. d. 5. num. 20.* *Castrop.* quod in foro externo non obstante illa protestatione (intellige interna; nam si illa foret externa, sive animus ille fictus, & intentio decipiendi fuisset antecedenter coram aliis declaratus, accedentibus aliis indicis animum fictum probantibus, una cum juramento de illo habito, fecus videtur) compellendus sit eam ducere; adeoque etiam in foro conscientiae teneatur; cum forum internum semper conformetur foro externo, quoties non nascitur falsæ presumptiones.

3. Limitatur tamen responsio hæc à *Sanch. l. c. n. 4.* primo, ut non teneatur deceptor eam ducere, dum ex tali matrimonio magnum scandalum, malusque exitus prudenter timetur; quia quod sine scandalo fieri nequit, peccatum est, ad quod non datur obligatio; & prudens metus mali exitus in casu matrimonii ab uno invito contracti regulariter trahit periculum plurimum ex illo fecutuorum peccatorum. Limitatur secundò, quando deceptor non reperit virginem (qualem se dicebat) sed corruptam; eo quod in deceptiis & delictis detur compensatio, modo damnum ex uno non sit majus damno ex parte alterius. Quinimo procedere id ipsum videatur in casu, ubi mulier non decepit dicendo se virginem, sed ipse deflorans suo errore deceptus inventi corruptam, quam virginem putabat; cum hæc sit justa causa etiam dissolvendi sponsalia, & consequenter etiam causa sufficiens, cur is non teneatur eam ducere. Verum in contrarium esse videtur, quod, si postquam advertit corruptam esse, pergit & absolvat copulam, jam eo ipso actu videatur copulam concessam non nisi sub conditione matrimonii futuri, etiam non curato hoc virginitatis defectu acceptare, seu pergere acceptare; idque etiam si antecedenter sic constitutus fuisset, ut copulam non curasset, seu non desiderasset & acceptasset, si scivisset, non esse virginem. Neque his obstat, quod postmodum actu contrahendo cum ea matrimonium plus ei praefitet, quam valeat ea copula, plus valitura, si virgo fuisset; hoc enim sibi adscribat talis deceptor, dum nihilominus in defactu hujus valoris sub conditione pretii excessivi eam acceptavit. Unde vere dicit Engels. *ad b. t. num. 13.* cum eadem hæc ratio non tantum de virgine, sed etiam in quavis femina, etiam corrupta, locum habere videatur, esse plures, qui existimant idem juris esse in corrupta, quæ non aliter sui corporis potestatem tali deceptor fecit, quam sub spe & conditione matrimonii futuri. Quamvis non desint alii non improbabili sentientes, in corrupta sufficere, si injuria illa illata ei per illam dectionem, nimis admittendo concessam copulam animo non implendi id, sub cuius conditione illa concessa, nempe matrimonium) compensetur pecunia taxanda arbitrio prudentis; eo quod ducere corruptam, ubi nulla vera promissio præcessit, non sit æqualis compensatio copula cum ea habitæ, sed notabiliter quid excessivum, nisi tamen, ut addit Engels, sit vidua bona famæ, infamiamque ex illa copula contraheret, ob quam aliud matrimonium facile inire non posset; tunc enim valde probabili priorem sententiam tenendam esse.